

四庫全書

史部

欽定四庫全書

史部

御批歷代通鑑輯覽卷八十七

詳校官侍講_臣王燕緒

編修_臣裴謙覆勘

總校官進士_臣程嘉謨

校對官編修_臣朱紱

謄錄監生_臣彭邦經

欽定四庫全書

御批歷代通鑑輯覽卷八十七

宋

高宗皇帝

丙寅

紹興十六年

金皇統六年

春正月

行藉田禮

先是知慶州

高宗紀及秦檜

奏依宋史

薛弼

字直老

言州民栢柱中有文曰天下

太平年秦檜大喜乞

詔付史館于是修彌文以飾治具如鄉飲耕藉之類

節節脩舉為苟安餘杭之計自此不復巡幸江上而祥瑞之奏日聞矣

夏五月金右丞相韓企先

燕京人

卒

企先為金右丞相每欲為官擇人專以培植勸獎後進為已任推轂士類甄別人物一時臺諫多君子號稱賢相

六月金殺其翰林學士宇文虛中

金人重虛中之才號為國師而虛中恃才輕肆好譏

虛中身膺使命
自請留金覓爾
受官爵典祠命
既已不忠于宋

及降事北朝肆
為機訕又復無
禮于金則其生
已為可羞其死
更由自取而宋
史列傳尚多褒
詞且信王倫之
言許其守節史
冊毀譽失實顧
若是其不足憑
耶

訕凡見女真人輒以礦鹵目之貴人達官積不能平

至是唐古酬

舊作唐括酬幹
今改後仿此

家奴等告虛中謀反有

司鞠治無狀乃羅織虛中家圖書為反具虛中曰死

自吾分至于圖籍南來士大夫家家有之翰林直學

士高士談

字季然
璦之孫

圖書尤多于我家豈亦反邪有司

承順風旨並殺士談于是虛中以老幼百口同日焚

死

秋九月金劉豫死

冬十二月金遣使如西遼西遼殺之

先是回紇遣使入貢于金言耶律達實

時達實林牙已死西方諸

部仍以達實呼之

與其國鄰金遣鈕祜祿罕努

舊作粘割韓奴今改與

回紇使俱往遼主遇之于野罕努語不遜遼主怒而殺之

丁卯十七年金皇統七年

夏四月金主醉殺其戶部尚書宗禮

金主自即位以來委政于尼瑪哈烏布烏珠雖初年國家多故而吏清政簡百姓樂業既而其後費庠氏

舊作裴滿氏令改後仿此干政朝官往往因之以取宰相金主欲

立繼嗣為后所制心不能平因縱酒自遣酗怒至于手刃大臣至是宴便殿金主被酒彊諸王飲不能俱逃去金主大怒時惟戶部尚書宗禮在側乃使之跪手殺之

五月安置饒州通判洪皓于英州

先是皓居母喪秦檜黨猶謂皓睥睨鈞衡及終喪除

饒州通判李勤又附檜

續綱目作饒州通判李勤考宋史皓本傳明言皓終喪除

饒州通判若以為李勤官則上文除字將安所指手續綱目誤甚今依宋史改正 誣皓作欺

世飛語責濠州團練副使英州安置

六月金殺其橫海節度使田穀

初韓企先引穀為吏部侍郎孟浩

字浩然濠州人

為左司員

外郎銓叙得人時烏珠當國其所任刑部員外郎蔡

松年

字伯堅靖之子

求與穀相結穀薄其為人拒之松年遂

日短穀于烏珠企先卒即出穀為橫海節度使及是

尚書省令史許霖首告穀在吏部時為選人龔夷鑒

倒用日月事霖亦烏珠所親信與蔡松年構成其訟
殺穀及左司郎中奚穀翰林待制邢具瞻並王植高
鳳廷王傲趙益興與夷鑑等其妻子及所往來孟浩
等皆徙海上仍不以赦原天下寃之

秋八月故相趙鼎卒于吉陽軍

鼎潛居深處門人故吏皆不敢通問惟廣西帥張宗
元時饋醵米會降旨趙鼎李光遇赦永不檢舉且令
本軍月具存亡申省鼎遣人語其子汾曰秦檜必欲

殺我我死汝曹無患不爾禍及一家矣自書墓中石
記鄉里及除拜歲月且書銘旌云身騎箕尾歸天上
氣作山河壯本朝遺言其子乞歸葬遂不食而死天

下聞而悲之

鼎為相專以國本為先以為本國而後
敵可圖讐可復惜其見忌于檜齋志以

沒然中興賢相鼎為稱首鼎既卒參知政事段拂為
之嘆息秦檜怒遂罷拂為資政殿學士尋落職興國
軍居住與國軍宋置
今為州屬湖北武昌府

九月罷四川宣撫副使鄭剛中

剛中治蜀有方略秦檜忌之使人求其陰事召還責

貴陽軍安置未幾四川宣撫司亦罷

冬十月辛卯朔日食

十二月金及蒙古和

初達蘭既誅其子勝花都郎君

金史達蘭傳誅達蘭並殺其二子威台額

特布此勝花都郎君或其幼子事出大金國志金史無考按威台舊作幹帶額特布舊爲達補今改

率其父故部曲以叛與蒙古通蒙古益彊烏珠討之

連年不能克乃與之議和割西平河

方輿紀要即肅胸河宋元與中

金人與蒙古和割河以北地與之即此考肅胸河下流與黑龍江合蒙古在黑龍江之北則此西平河

或即臚胸河之下流也

以北二十七團寨與之歲遺

牛羊米豆且冊其長教拉貝勒

舊作熬羅字極烈今改後仿此為蒙

輔國王不受自號大蒙古國至是始和歲遺甚厚于

是教拉貝勒自稱祖元皇帝改元天興

戊辰十八年金皇統八年

春三月以秦熺知樞密院事

秦檜問勅令所刪定官胡寧

字和仲安國第三子

曰兒子近除

外議如何寧曰以為必不襲蔡京之迹檜怒之

已而熺乞

避父子共政遂罷為觀文殿學士
兼侍讀位次右僕射尋加少保

夏四月戊子朔日食

五月放浙東副總管李顯忠于台州

顯忠熟知西邊山川險易因上恢復策秦檜惡之降

官奉祠台州居住

六月金以完顏亮

即海陵烏布之子太祖之孫本名都古魯訥舊作迪古乃今改平章

政事

亮為人慄急猜忌殘忍任數自以已與金主同為太祖孫常懷覬望及為中京留守專立威以厭伏小人

結明安蕭裕

本名伊徹奚人按伊徹舊作遙折今改後仿此

每與論天下事

裕傾險揣知其意因曰留守先太師太祖長子德望

如此人心天意宜有所屬誠有志舉大事願竭力以

從亮喜遂與謀議及入為右丞進平章攬持權柄用

腹心為省臺要職引裕為兵部侍郎

是冬亮為右丞相亮生日金主

遣近侍局直長大興國以司馬光畫像王陶罕鹿馬
賜之后亦附賜禮物金主怒杖興國奪回賜物亮本

懷不執疑畏愈甚

陶罕舊作吐鵬今改

冬十月金太師都元帥烏珠卒

金自尼瑪哈死達蘭富勒呼等皆有自為之意烏布
獨力不能如之何時無烏珠國勢殆矣故其國論功
以為尼瑪哈後惟烏珠一人耳

十一月竄胡銓于海南

秦檜諷司諫羅汝楫論銓飾非橫議竄新州同郡王
廷珪嘗以詩贈銓坐流辰州新州守張棗承檜旨論
銓與客唱酬謗訕怨望詔送海南編管以棗提舉湖

北常平至官一日卒

時洪皓在英州閩人倪譽為守
聞來以巧中遷官取使節欲效

之即使人伺隙捕皓家奴寔獄中
釀成其罪未及發而嘗卒事乃解

己十九年

金皇統九年十二月以後廢主亮天德元年

春三月癸未朔日食

夏五月金出完顏亮于行臺秋九月復召入平章政事

金主以完顏亮為太保領三省事四月壬申夜大風

雨雷電震壞金主寢殿鵠尾有火入寢內燒幃幔金

主趨別殿避之越五日有龍鬬于榆林河水上

金史熙宗

紀作利州榆林河考利州金置元廢故城在今哈喇沁左翼東北

大風壞民居官舍

瓦木人畜皆墮颺十數里死傷者數百人五月以天

變肆赦命翰林學士張鈞草詔參知政事蕭肄

奚摘人

其語以為誹謗金主殺鈞且問誰使為之左丞相宗

賢

本名色哩希卜蘇之孫舊作賽里希卜蘇舊作習不失今改

曰都古嚕訥實使

之金主不悅故出亮亮過中京與留守蕭裕定約而

去九月至良鄉召還莫測其故大恐及至復拜平章

逆謀益甚

冬十月金主殺其弟朮王常勝等

烏布子金主弟後追改名元遂殺

其后費摩氏

金宰臣議遷遼陽渤海之民于燕南近侍高壽星等

當遷訴于費摩后后白金主金主怒遂杖平章政事

秉德

本名伊遜
尼瑪哈孫

右丞唐古辨

本名翁郭羅尚金主之女舊作
唐括辨翁郭羅舊作幹骨刺今

改

而殺左司郎中薩哈

舊作三
合今改

壽星等竟不遷秉德辨

二人怨望遂與大理卿烏達

阿里布之子按武岱舊
作烏帶阿里布舊作阿

魯補令改
後仿此

謀廢立烏達以告完顏亮一日亮與辨語

因問曰若舉大事誰可立者辨曰昨王常勝乎

問其次曰鄧王

名奕宗傑
子太祖孫

子教拉

舊作阿懶今
改後仿此

亮曰教拉屬疎安得立辯曰公豈有意邪亮曰果不

得已舍我其誰于是旦夕相與密謀護衛將軍塔斯

舊作特思今改後仿此疑之以告費摩后后白金主金主怒召

辯謂曰爾與亮謀何事將如我何杖之亮因此忌常

勝惡塔斯會河南兵士孫進作亂自稱皇帝阿禪

舊作禪

按案大王金主之弟止有常勝扎拉

舊作查刺令改

亮乘此

構常勝扎拉金主使塔斯鞠之無狀亮曰塔斯鞠不

以實遂俱殺之又殺教拉達蘭

亦鄧王子舊作達楞今改後仿此

金

主積怨于后遂俱殺之而召胙王妃薩摩

舊作撒
今改後仿

此入宮繼之又殺德妃烏庫哩

舊作烏古
論今改

氏及瓜爾

佳

舊作夾谷
今改後仿此

氏張氏等

十二月金完顏亮弑其主亶而自立

亮弑主篡立寔金
之亂臣故即位後

變例書名至金世宗既立金
統有歸亮止書名而不稱主

護衛十人長布薩呼圖

後改名思恭上京羅卜科達
噶人舊作僕散忽土羅卜科

達噶舊作老
海達噶今改

舊受烏布恩圖克坦額呼楚克

會寧噶
嗎哈赫

仲人從懿州舊作阿里出虎噶
哈赫仲舊作葛馬合窩甲今改

與亮為姻家亮皆

使為內應大興國嘗以羅卜藏

後賜名維忠舊作李老僧今改

屬亮

得為尚書省令史亮度興國被杖怨望又使羅卜藏結興國內應興國給事寢殿夜嘗取符鑰歸家十二

月丁巳乘布薩呼圖額呼楚克內直作變夜二鼓興

國以符鑰啟門亮與妹壻圖克坦貞

特赫塔拉人特赫塔拉舊作忒

黑閭刺今改

及平章政事秉德左丞唐古辨大理卿烏達

羅卜藏等皆以刀藏衣下同入宮門者以辨乃國壻亮又至親不疑而納之及殿門衛士始覺有變亮等

抽刀刳之莫敢動遂入寢殿金主常置佩刀于榻是夜興國先取刀投榻下金主求刀不得額呼楚克先進刀呼圖次之金主頓仆亮前手刀之血濺滿其面與衣金主既殂秉德等未有所屬呼圖曰始者議立平章令復何疑秉德等遂與羣臣奉亮即位詐以金主欲議立后召大臣因殺曹國王宗敏左丞相宗賢以秉德為左丞相唐古辯為右丞相烏達為平章政事謚費摩后為悼平皇后廢金主亶為東昏王大赦

秦檜有可殺之
罪施全非當殺
檜之人其事固
不必深論獨是
檜奸邪誤國海
內切齒所殺刺
刃甘心者非止
一全而高宗始
終信之而不忍
去之後且畏之
而不敢去之豈
非天奪其魄乎

改元

庚午

二十年

金天德二年

春正月殿司軍士施全刺秦檜不克

檜殺之

檜趨朝殿前司後軍使臣

宋史兵志殿前馬步諸軍有巡教使臣

施全

挾刃于道遮檜肩輿刺之不中捕送大理檜親鞫之

全對曰舉天下皆欲殺敵人汝獨不肯故我欲殺汝

也詔磔于市自是檜每出列五十兵持長槌以自衛

金主亮尊其嫡母圖克坦氏及母大氏皆為太后

圖克坦氏賢御下有恩意與大氏相得至歡亮弒熙宗圖克坦氏曰帝雖失道人臣豈可至此亮銜之至是追尊烏布為帝廟號德宗二母俱尊為皇太后圖

克坦氏居東宮號永壽宮大氏居西宮號永寧宮

後圖

克坦后生日酒酣大氏起為壽圖克坦后方與諸公主宗婦語大氏跪者久之亮怒而出明日召與圖克坦后語者皆杖之大氏以為不可亮曰今日之事豈能尚如前日耶

三月以余堯弼參知政事平仄簽書樞密院事遣堯弼

使金

賀卽位也及還金主亮以上皇玉帶附遺于帝其秘

書卽張仲軻

小名鈕爾按鈕爾舊作牛兒今改後仿此

曰此希世之寶也

亮曰江南之地他日當為我有此置之外府耳仲軻由是知亮有南侵之意遂每事先意逢之

下李光子孟堅于大理獄流之峽州責降徽猷閣直學士胡寅等官有差

光在瓊嘗作私史其仲子孟堅為所親陸升之

山陰人光

婿

言之升之訐其事秦檜命兩浙轉運副使曹泳究

寔泳言孟堅省記父光所作小史語涉譏訕送大理寺獄成詔光遇赦永不檢舉孟堅除名編管峽州于

是胡寅程瑀潘良貴宗穎

潭之子

張燾許忻賀允中吳

元許八人皆緣坐降責有差有從政郎楊煒常州通

判沈長卿

字文伯湖州人

舊與李光言和我非便知雷州王

趙求內徙李光俱坐貶又有太常主簿吳元美作夏

二子傳指蚊蠅也其鄉人告之以為譏毀大臣又言

其家亭號潛光有心于黨李堂名商隱無意于事秦

檜大怒竄之容州

唐置今廣西梧州府容縣是

夏四月置力田科

募民耕兩淮田從知廬州吳達請也

金主亮大殺其宗室

亮在熙宗世見太宗諸子盛彊忌之及即位遂與蕭裕謀殺之又以前左丞相秉德首謀廢立而不即勸

進街之將盡誅焉于是豫教尚書省令史蕭玉

奚人上

變遂召領三省事阿魯

即宗本太宗子阿魯舊作阿魯令改

左丞相唐

古辯判大宗正寺呼爾察

即宗美阿魯弟舊作胡里甲今改後仿此

繫鞫

至則殺之因遣使如東京殺留守阿林

即宗懿太宗子舊作阿隣

今改後仿此

北京殺留守呼拉布

金史海陵紀作卞世系表云北京留守卞太宗

孫今仍續綱目按呼拉布舊作斛祿補今改後仿此

南京殺領行臺事秉德

並誅其親屬復殺太宗之子孫七十餘人尼瑪哈子

孫三十餘人諸宗室五十餘人太宗尼瑪哈後皆絕

而烏達蕭裕蕭玉等皆受重賞亮又令玉子尚主曰

朕無以報卿使朕女為卿男婦代朕事卿也

冬十月金主亮殺其左副元帥薩里罕等夷其族

金主亮復忌舍音諸子盛彊及宗室勲舊大臣欲盡

除之乃諷都元帥府令史約索

即白彥敬博勒郭部族人舊作遜設博勒

郭舊作部
羅火令改

誣飾上變遂殺薩里罕及景祖孫穆里延

舊作謀里
野今改

舍音子博濟

即宗義舊作
索吉今改

並其族百數十

人以魏王威台

太祖之弟舊作幹帶今改按此與
前達蘭之子名威台者另是一人

呼爾察

舊作活里
甲今改

好修飾亦族之

秦檜有疾詔執政赴檜第議事

十二月甲子檜始朝命肩輿入宮門二孫頊堪扶
掖升殿不拜

辛未二十一年

金天德三年

春正月金置國子監

二月以巫伋為金國祈請使

伋至金首請迎靖康帝歸國金主亮曰不知歸後何
處頓放伋唯唯而退

三月金大營宮室于燕

續綱目此條目內叙營建事本
金史海陵紀乃汴宮而誤為燕

巫伋奉使雖以
請迎靖康為名
及聞何處頓放
之詰遂不能復
對即此固足誅
高宗之心而伋
深有以窺高宗
之意然則高宗

宮令改叙于二十八
年金營汴宮綱下

之前凡畏忌本
因貪位苟安是
以事讐忘親有
所弗顧亦可鄙
之甚矣

金主亮稍習經史慕中國衣冠人物密有遷都意遂

下詔求直言而上書者多謂上京僻在一隅不若徙

燕以應天地之中與亮意合乃遣左丞相張浩

字浩然遼

陽渤海人
本姓高

右丞相張通吉

字樂之易州易縣人

等調諸路夫匠

築燕京宮室城周九里三十步其宮室一依汴京制

度

夏五月金主亮納其叔母阿蘭

舊作阿懶今
改後仿此

及宗婦于

宮

阿蘭亮叔曹王阿里布妻也亮殺阿里布而納之封

為昭妃又命圖克坦貞語宰相曰朕嗣續未廣所誅

黨人諸婦多朕中表親宜選納焉宰相乃奏請行焉

亮遂納阿魯子蘇爾圖

舊作莎魯改後仿此呼嚕即宗固亦

作胡魯令子呼喇勒

舊作胡里刺和碩台舊作胡央

改後仿此秉德弟嘉哩

舊作紀里令

四人之妻于宮尋封嘉

哩妻高氏為修儀

崇義節度使烏達妻唐古昴格舊

嘗與亮私及為帝昴格使侍婢來

朝亮諷使殺烏達許以為后鼎格初不惡亮謀之曰不

殺汝夫將俗滅汝家昴格大恐縊死烏達遂納之宮

中封貴妃大愛幸後與舊家奴姦賜死又使秘書
監完顏文出其妻唐古實格而以為麗妃使伊喇補
出其妻富察伊徹而納之伊徹亮姊之女也按唐
古昂格舊作唐括定哥唐古實格舊作唐括石哥伊
喇補舊作乙喇補富察伊徹
舊作蒲察又察今改後仿此

秋八月太傅鎮南武安寧國節度使咸平王韓世忠卒

世忠性戇直勇敢忠義事關廟社必流涕極言屢詆

和議觸秦檜解兵罷政卧家凡十年至是卒

世忠嗜義輕財

賜養悉分將士將軍嚴重與士卒同甘苦器仗規畫
精絕過人嘗中毒矢入骨以彊弩括取之十指僅全
四不能動刀痕箭瘢如刻畫然知人善獎用成閔解
元劉寶等起行伍秉將旌皆其部曲也孝宗朝追封

靳王謐忠武子彥直彥質彥古皆
以才見用武閭字居仁邢州人

壬申二十二年

金天德四年

春三月編管王庶子之奇之荀于

嶺南

初庶卒于貶所其子之奇之荀撫棺而哭曰秦檜秦
檜此仇必報親舊掩其口曰禍未已也至是為人

所告坐謫朝廷編管之奇于梅州

本南漢恭州宋改
今廣東嘉應州是

之荀于容州又以直龍圖閣葉三省監都作院王遠

嘗通書王庶及趙鼎力詆和議安置三省于筠州遠

于高州

夏四月巫伋罷以章復

音伏

簽書樞密院事

伋與秦檜居同里一日檜語伋曰里中有何新事伋

曰有一術士自鄉里來頗能論命檜變色曰是人言

公何日拜相伋惶恐而退中丞張復聞之即劾伋陰

懷異意遂罷

復拜簽樞
未幾亦罷

五月襄陽大水

平地五尺漢水冒城而入

冬十二月金主亮召濟南尹烏祿妻烏凌阿氏

即昭德皇后舊

作烏林達氏令改

未至自殺

葛王烏祿時為濟南尹烏凌阿氏儀容整肅亮召之
乃謂烏祿曰我不行上必殺王我當自勉不以相累
也遂召王府臣僕曰為我禱東岳使皇天后土明鑒
我心行至良鄉得間自殺

癸酉

二十三年

金貞元元年

春三月金遷都于燕

金主亮自上京至燕京初脩法駕下詔改元親選良

加九錫者始見
于王莽再見于
曹操晉宋以下
轉相效尤皆不
旋踵而成篡逆
之禍猶友止顧
逌迎不復稍存
大義竟爾明目

家子百三十人充後宮以燕列國之名不當為京師
號遂改燕京為中都大興府汴京為南京削上京之
名止稱會寧府又改中京大定府為北京而東京遼
陽府西京大同府如舊

以王循友知建康府

循友知鎮江上書乞加秦檜九錫檜喜而遷之踰年

檜以循友罪其族黨安置藤州

廣置今廣西梧州府藤縣是

夏四月金太后大氏卒

張膽上書陳請
誠不知是何肺
腸膾亦遂喜而
遷其官不臣之
跡已不可掩使
非天連其死安
保其不為非陳
之續邪

亮遷都于燕親屬皆從獨留圖克坦太后于會寧圖
克坦后嘗憂懼每中使至必易衣俟命大氏在燕常
思念圖克坦后及病篤以不得見圖克坦后為恨將
死謂亮曰汝以我之故不令永壽宮偕來我死必迎
致之事之當如事我

五月潼川 本唐梓州宋置府今府屬四川大水

平地丈五尺死者甚衆

甲戌二十四年 金貞元二年 春正月地震

金右丞相蕭裕謀反坐誅

裕在相位恃功專恣金主亮倚信之他相仰成而已

裕以亮猜忌忍殺恐禍及遂與蕭豐嘉努

舊作蕭馮家奴今改

後仿此等謀立故遼主豫王延禧之孫事覺伏誅

夏五月癸丑朔日食

金始置交鈔庫

從戶部尚書蔡松年請也

設印造鈔引及交鈔庫一貫二貫三貫五貫十貫五

等謂之大鈔一伯二伯三伯五伯七伯五等謂之小鈔與鈔並用以七年為限納樵易新每貫取工墨錢

十五大諸路並設使副判各一員都
監二員蓋以銅少為權宜之制云

秋七月張俊卒

俊握兵最早屢立戰功帝于諸將中眷注特厚然忌
劉錡附秦檜殺岳飛為世所鄙薄焉

以敷文閣待制秦垧修撰實錄院

初魏師遜湯思退

字進之處州人

等知貢舉以秦熺子垧為

榜首及廷試檜以思退為編排師遜為詳定復擬垧

第一帝讀垧策覺所用皆檜熺語遂進張孝詳

字安國歷

輪對固欲聞所未聞然聞之而不能行雖聞何益史謂高宗避免之禁為防檜壘蔽不知檜之敢為壘蔽實高宗有以致之果自知之則去檜亦在高宗耳若

陽鳥
江人第一而頃第三
時檜從子煒燭姻黨周黃沈與傑皆擢高第天下切齒至

是以頃修撰實錄院祖父孫三世同領史職前此未有也

八月禁百官避輪對

秦檜擅政以來屏塞人語蔽上目耳一時獻言者非誦檜功德則許人語言以中傷善類欲有言者恐觸忌諱僅論銷金鋪翠乞禁鹿胎冠子之類以塞責而已故皆避免輪對至是上乃諭執政曰百官輪對正

其不能去則是
太阿倒授網紀
懈弛既不能除
巨惡以清政紀
而徒為是令正
所謂不揣本而
齊末庸何益乎

欲聞所朱聞近輪對者多謁告避免可令檢舉約束
蓋防檜壅蔽也

冬十一月以施鉅參知政事

自秦檜專國士大夫有名望者悉屏之遠方凡齟齬
委靡之徒一言契合即登政府稍出一語輒斥去之
不異奴隸故自万俟卨罷至此十年參預政事者纔
四人而已

加秦熈少傅封嘉國公

金主亮納其諸從姊妹于宮

壽寧縣主實庫

舊作什

幹布雅布之女也靜樂縣主

布拉

舊作蒲刺令改

及實納

舊作習

烏珠之女也舒庫爾

舊作

師古兒令改後仿此

額爾袞之女也混同縣君蘇魯克沁

舊作里

古真令改後仿此

及其妹伊都

舊作餘

都令

阿魯之女也皆

亮之從姊妹邸國夫人崇節

舊作重節令改後仿此

富勒呼之

女孫亮之姪也張定安妻孛喇古

舊作奈刺忽今改後仿此

太后

大氏之兄嫂也富魯和卓

舊作蒲盧胡只今改後仿此

麗妃薩哈

之妹也皆有夫亮無所忌耻皆召與之私分屬諸妃

位下

凡宮人在外有夫者初猶分番出入後乃盡遣其夫往會寧不聽出外每幸婦人必奏樂撒幃

常于卧内遍設地衣保逐為戲

十二月西遼耶律伊呀死其妹布沙堪

舊作普速權國完今改

事

伊呀卒子幼布沙堪以遺令權國稱制

改元崇福自號承天皇太

后諡伊呀曰仁宗

二十五年

金貞元三年

夏五月丁未朔日食

六月改岳州為純州岳陽軍為華陽軍

或言岳州乃岳飛駐軍之地又與其姓同乞改之蓋以媚秦檜也岳州人謂飛駐軍乃鄂州于我州何與而改之

金汴京火

金主亮陰有南侵之意乃謀遷汴遣完顏長寧為南京留守經畫之既而大火宮室盡焚亮大怒杖殺長寧

秋八月下趙鼎子汾等于大理獄

秦檜于一德格天閣書趙鼎李光胡銓三人姓名必欲殺之及鼎死而憾不已江西運判張常先箋注前帥張宗元與張浚詩言于朝其詞連逮者數十家將誣以不軌而盡去之會汪召錫告宗室知泉州令於太祖五世孫觀檜家廟記口誦君子之澤五世而斬謫居汀州檜乃諷殿中侍御史徐嘉論趙汾與令於飲別厚贐必有奸謀詔送汾令於大理鞫問使汾自誣與

張俊李光胡寅胡銓等五十三人謀大逆獄成而檜
病不能書矣

冬十月徙洪浩于袁州未至卒

皓居英州九年始復朝奉郎徙袁州至南雄卒

結久在北

度為金人所敬既歸金人至必問皓為何官居何地
不幸為檜所忌不死于敵國而死于護憲聞者悼之

進封秦檜為建康郡王加其子熺為少師並致仕是夕
檜死

檜病帝幸其第問焉無一語惟流涕而已熺奏請代

居相位者為誰帝曰此事卿不當與帝還宮命沈虛
中草檄及燬制並令致仕燬夜遣塤與右司員外郎
林一飛宗正丞鄭棣見其黨殿中侍御史徐嘉左正
言張扶謀請已為相翌日檄燬致仕詔下塤堪皆提

舉江州太平興國宮是夜檄死

檄居相位十九年倡和誤國忘仇戮倫其

遺表有云願陛下固隣國之歡盟謹國是之搖動猶
思刻制君上于死後性陰險深阻如崖奔不可測同
列論事上前未嘗力辨但以一二語傾擠之俾帝自
怒一時忠臣良將誅鋤畧盡其頑死無耻者率為檄
用卑以詛陷善類為功凡無罪可狀者則曰立黨沽
名曰訛謗曰指斥甚則曰有無君心凡論人章疏皆檄

自操以授言官識之者曰此老秦筆也晚年殘忍尤甚屢與大獄察事之卒布滿京城稍議之者即捕治中以深文專務羅織執政惟取備員甫入輒出惟深德王次翁歷四年始出之立久任之說士淹滯失職有十年不調者然附之則立與擢用開門受賂富敢于國外國珍寶死猶及門陰結內侍及醫師王繼先伺上微旨動靜必具知之郡國事惟申省無至上前者由是張扶請檜乘金銀車呂愿中獻秦城王氣詩勢漸不可制及檜死帝謂楊存中曰朕今日始免防檜逆謀矣

朱子曰紹興初諸將累捷大有恢復之勢金人始露和議以沮吾計而宰相秦檜歸自金庭獨以長樂梓宮藉口攘却衆謀榮感主聽使和議倉然以定而不可破士大夫狃于積衷之俗見國家無事而檜與其徒皆享成功無後患顧以忘仇忍辱為事理之當然嗚呼始則倡邪謀以誤國中則扶敵勢以要君使人

倫不明人心不正而未流之樊遺親後君無所不
至此檜之罪所以上通于天萬死不足以贖也

金主亮迎其太后圖克坦氏至燕

金主亮命以大房山

在順天府房山縣西北亦曰大房山水經注防水出大防山南

此即雲峯寺為山陵遣右丞相布薩呼圖如會寧奉遷

太祖太宗梓宮及迎圖克坦后至流沙河

在順天府昌平州南

有南北二流北沙河即古濕餘水自居庸關南流至州南與南沙河合南沙河即古易荆水下流至通州
入白亮親迎之命左右持杖二束跪太后前曰亮不

孝久缺溫清願嘗之后掖之曰令庶民有克家子尚

且愛之不忍答我有子如是寧忍答乎叱杖者退既至亮事之外極恭順后起則自扶之常從輿輦同行后所御物或自執之見者以為至孝雖太后亦信其誠

黜秦檜姻黨十一月釋趙汾李孟堅王之奇等自便

臺諫湯鵬舉等累疏言秦檜之姦請逐其姻黨詔安

置戶部侍郎曹泳于新州罷端明殿學士鄭仲熊

字行

可衡州西安人等四人徙侍御史徐嘉正言張扶為他官知

建康府王會等六人俱以諂附貪冒罷又竄呂愿中
等于遠州秦頊曹冠等以檜子孫親戚濫科草正之
莫及張常先等八人並以告訐濫叨官爵送遠郡編
管尋復趙汾官先是詔奪汾二官與李孟堅王之奇等皆令
自便

十二月復張浚胡寅張九成二十九人官徙李光及胡
銓于近州

光移郴州銓移衡州光尋卒

丙子

二十六年

金正隆元年

春正月追復趙鼎鄭剛中等官三

月罷宰相兼樞密使

以邊事已定也

竄東平進士梁勛于遠州

講和之策斷自高宗贊成于秦檜但其說為舉國所訛議故檜在則諉之于檜及檜已死惟恐金人以檜死敗和為疑故不得

勛上書言金人必舉兵宜為之備帝怒編管勛于千

里外州軍而下詔曰講和之策斷自朕志秦檜但能

贊朕而已豈以存亡而渝定議邪近者無知之輩鼓

倡浮言以惑衆聽至有偽撰詔命名用舊臣抗章公

不比露本衷降
詔宣示以安逸
聽之心謂此詔
為護檜者固非
即謂杜絕閣中
浮議猶非其用
意所在也

車妄議邊事朕甚駭之自今有此當重寘憲典

夏五月以沈該万俟卨為左右僕射並同平章事湯思

退知樞密院事

初秦檜病篤召董德元

字體仁永豐人二十五年九月拜參知政事

湯思

退至卧内属以後事各贈黃金千兩德元慮檜以為

自外不敢辭思退慮檜以為期其死不敢受帝聞思

退不受以為非檜黨遂信任之

靖康帝卒于金

命史館重修日厯

以秦熺修不實也

秋七月彗出井詔求直言

八月以張綱

字彥正潤州丹徒人

參知政事

綱初為給事中以秦檜用事遂致仕卧家者二十餘年檜死召為吏部侍郎擢尚書時以彗出求言綱奏求言易聽察難宜命有司詳審章奏無事苟簡及參政事帝力懲秦檜苛政時時以寬恤民力諭輔臣綱

乃摘其切于利民八十事標以大指乞鑄版宣布中外

冬十月復安置觀文殿大學士張浚于永州

浚去國二十年天下士無賢不肖莫不傾心慕焉武夫健將言浚者必咨嗟嘆息至兒童婦女亦知有張都督金使至必問浚安在惟恐其復用而秦檜懼其正論害己令臺臣有所彈劾語必及浚謂為國賊必欲殺之檜死乃復觀文殿大學士判洪州時喪母將

檜以力持和議
固位竊權其黨

逆視此為希榮
之具踵其餘說
輾轉相沿槍雖
死而其害未息
沈該万俟卨湯
思退十餘輩相
繼居政府庸劣
雖各不同而扶
和議以要君實
無二致高宗一
念之差遂使勢
成滋蔓其失豈
盡在諸奸臣哉

歸葬會星變求直言浚慮金人數年間勢必求彙用
兵而吾方溺于宴安謂敵可信莫為之備沈該万俟
卨居相位尤不厭天下望自以大臣義同休戚不敢
以居喪為嫌乃上疏極言沈該万俟卨湯思退謂敵
未有釁而浚乃若禍在年歲間者皆笑其狂臺諫湯
鵬舉凌哲等論浚名在罪籍倡異議以動國是若使
歸蜀恐或遠方生患復安置永州

丁丑 二十七年 金正隆二年

春三月万俟卨死夏六月以湯思

退為尚書右僕射同平章事

高為相主和固位無異秦檜既死思退遂相

戊寅

二十八年

金正隆二年

春三月辛酉朔日食

秋七月金以李通參知政事

金主亮將議南侵以通為謀主故有是命

初亮召其倖臣秘書

少監張仲軻左諫議大夫馬欽校書郎田與信等便殿侍坐亮謂仲軻曰漢之封疆不過七八千里今吾國幅員萬里可謂大矣仲軻曰本朝疆土雖大而天下有四主若能一之乃謂大耳亮曰彼且何罪而伐之仲軻曰臣聞宋人馬修器械招納山東叛亡豈得謂無罪亮喜曰向者梁琬嘗為朕言宋有劉貴妃

者資質美艷令一舉而兩得之俗所謂因行掉臂也
江南聞我舉兵必遠竄耳欽與與信皆對曰海島蠻
越臣等皆知道路彼將安往亮曰然則天與我也朕
舉兵滅宋遠不過二三年然後討平高麗夏國一統
之後論功遷秩分賞將士彼必忘勞矣時亮恃其累
世強盛欲大肆征伐以一天下嘗曰天下一家可以
為正統及拜李通參知政事通揣知亮意遂與仲軻
欽及近習羣小輩咸言江南富庶子女玉帛之多逢
其意亮遂議
與兵南侵

九月以王剛中

字時亨饒州樂平人

為四川制置使

初剛中為中書舍人言禦敵為今日先務敵彊則犯
邊弱則請盟令勿計敵人之彊弱必先自治擇將帥

蒐士卒實邊儲備軍械加我數年國勢富彊將良士
勇彼請盟則為漢文帝犯邊則為唐太宗帝肆其言
會西蜀謀帥帝曰無如王剛中矣遂有是命

冬十月金營汴宮

金主亮遣其左丞相張浩參政敬嗣暉

字唐臣易州人如汴

京營建宮室

運一木之費至二十萬牽一車之力至五百人宮殿之飾遍傳黃金而後間以

五采金屑飛空如落雪一殿之費以億萬計成而復毀務極華麗

國子司業黃中

字通

老印武人

使還言金人治汴京必欲徙居以迫我不可不

早為之備若彼果至京則壯士健馬不數日可及境
矣湯思遠大怒左遷中官

己卯

二十九年

金正隆四年

春二月金籍諸路兵造戰具

金主亮謀南侵乃造戰船于通州

金置今屬順天府

遣使籍

諸路明安部族及契丹奚人不限丁數悉僉之凡二
十四萬又僉中都南都中原渤海丁壯年二十以上
五十以下者皆籍之凡二十七萬雖親老丁多求一
子留侍亦不聽又遣使分詣諸道總管府督造兵器

命諸路舊貯軍器並致于燕時又建汴京修燕城民不能堪箭羽一尺至千錢村落間往往椎牛以供筋草至于烏鵲狗彘無不被害者

夏五月貶禮部侍郎孫道夫

字太冲眉州丹稜人知綿州

道夫前使金金主亮將欲南侵陽設為詰責之語

亮謂

道夫曰歸白爾帝事我上國多有不誠今畧舉二事爾民有逃入我境者邊吏皆即發還我民有叛入爾境者有司索之往往託詞不發一也爾于沿邊盜買鞍馬脩戰陣二也蓋將敗盟故先設此二事為辭

道夫還具奏之帝曰朝廷待之甚厚欲以何名為兵

秋八月召監潭州南嶽廟朱熹

字元晦一字仲晦徽州婺源人不至

熹少有求道之志父松

字喬年度支員外郎史館校勘忤秦檜出知饒州

方

疾亟屬熹曰胡憲

字原仲安國從子

劉勉之

字致中建州崇安人劉子

輦

字彥冲幹仲子

三人學有淵源吾所敬畏吾即死汝往事

之熹奉以告而稟學焉既博求之經傳復徧交當世

有識之士及舉進士為泉州同安

晉縣今屬福建泉州府

主簿

罷歸聞延平

注見前

李侗

字愿中南劍浦人

學于羅從彥

字仲

素南劍州人

得伊洛之正遂徒步往從之其學大要窮理

致知反躬踐實而以居敬為主築室于武夷山中

在山

福建建寧府崇安縣南山高五百仞有三十六峯其溪流分為九曲昔有神人武夷君居此故名漢武帝

嘗祀

四方遊學之士從之者如市上聞其賢故召之

熹卒不至

憲生而靜慈不妄笑語紹興中與勉之同入太學時禁伊洛之學憲與勉之求得程

頤書潛抄默誦夜以繼日聞涪陵譙定受易學于頤二人往從受素久未有得定曰心為物漬故不有見惟學乃可明耳憲悟曰所謂學者非克己工夫耶自是一意下學不求人知一旦揖諸生歸崇安故山力田賣藥以奉其親從遊日衆號籍溪先生仕終秘書省正字勉之從譙定劉安世楊時受學卒業乃還崇安結草堂讀書其中力耕自給澹然無求于世惟與憲子暉日相往來講論學者踵至勉之隨其才器為

說聖賢之道因以女妻熹門人號曰白水先生子翬以父死國難痛憤致疾棄興化通判隱居武夷山中者十七年與憲勉之交相得每見講學外無雜言他所與遊皆知名士而期以任重致遠者朱熹而已熹從子翬遊子翬以易之不逮復三言俾佩之終身學者稱爲屏山先生熹定字天授涪陵人劉安世字器之魏人興化宋軍今爲府屬福建

九月以湯思退陳康伯

字長卿信州弋陽人

爲尚書左右僕射並

同平章事

時湯思退轉左僕射康伯遂同相帝謂康伯曰卿靜重明敏一語不妄發真宰相也今與思退共政如有

可否勿憚商榷康伯曰大臣論國事自當盡心若依
阿植黨臣所不敢

皇太后韋氏崩

諡曰顯仁

帝事后甚謹先意承志惟恐不及或一食稍減輒不
勝憂懼常戒宮人曰太后年已高惟優游無事起居
適意即壽考康寧事有所關慎勿令知第來白朕至
是崩年八十矣

冬十一月攢顯仁皇后

攢于永祐陵之西祔神主太廟

庚辰

三十年

金正隆五年

春二月以普安郡王瑗為皇子更名

瑋進封建王

初帝知瑗之賢欲立為嗣恐太后意所不欲遲回久之及后崩帝問吏部尚書張燾以方今大計對曰儲嗣者國之本也天下大計無踰于此今兩郎名分宜早定帝喜曰朕懷此久矣開春當議典禮燾頓首謝至是利州提點刑獄范如圭掇至和嘉祐間名臣奏

朱倬能策劉豫
必敗似有料事
之明及由遠州
擢用中丞高宗
深為信任吏稱
其論事多所裨

章凡三十六篇合為一書囊封以獻請斷以至公勿

疑帝感悟即日下詔以普安郡王為皇子加恩平郡

王璩開府儀同三司判大宗正寺稱皇姪

秋七月以葉義問

字審言嚴州壽昌人

知樞密院事朱倬

字漢章閬縣人

參知政事

倬初以張浚薦自宜興簿入對時方以劉豫為憂倬

策其必敗帝大喜而秦檜惡之出為越州教授檜死

倬知惠州陞辭因言前事帝問卿何久淹如此倬言

義其實並無著
聞諒亦不過空
言無濟耳迨其
後金兵南下人
情洵洵妄議退
避俾且熙熙一
語則平日所謂
能論事者人安
在乎

為檜所扼帝愀然慰諭目送之且曰人不知卿惟朕
獨知遂累擢至中丞論事多所裨益帝信任之

八月丙午朔日食

九月以李寶

河北人

為浙西副總管

寶嘗羈金拔身自海道來歸至是召對詢以北事歷
歷如數乃授官令于平江督海舟捍禦

冬十二月湯思退有罪免

侍御史陳俊卿

字應求
興化人

論思退挾巧詐之心濟傾邪

之術觀其所為多效秦檜蓋思退致身皆秦檜父子
恩也宜寘之憲典遂奉祠

初行會子

戶部侍郎錢端禮

字處和
臨安人

被旨造會子儲見錢于城

內外流轉其合發官錢並許兌會子輸左藏庫初行
于兩浙遂通行諸州

辛巳

三十一年

金正隆六年十月
世宗雍大定元年

春正月甲戌朔日食帝

不受朝

風雷大雨雪

侍御史汪澈

字明遠新安人徙饒州

言春秋魯隱公時大雨震

電繼以雨雪孔子以八月之間再有大變謹而書之
令一夕之間二異交至此陰盛之證殆為金人且言
荆襄無統督江海乏脩禦因陳修攘之策

二月分經義詩賦為兩科取士

禮部侍郎金安節言熙寧元豐以來經義詩賦廢興
離合隨時更革近合科以來通經者苦賦體雕刻習

賦者病經旨淵微心有弗精業難兼濟此後進往往得志而老生宿儒多困也請復立兩科永為成憲從之

先是定制以本經語孟義各一道為首次詩賦各一首次子史論時務策各一道至是分經義詩賦為兩科而解額未定議者謂宜以三為率二取經義一取詩賦然不果行

三月以陳康伯朱倬為尚書左右僕射並同平章事以

吳拱

玠之子

知襄陽府

先是康伯以金人必敗盟請早為之脩及聞金人決欲敗盟乃以利州西路都統制吳拱知襄陽府部兵

三千戍之

考宋史高宗紀及陳康伯張去為傳召楊存中等議舉兵並在五月金使既來之後

續綱目係于金使未來之前
非是今改係詔議舉兵條下

夏五月金主亮遣使徵漢淮之地始聞靖康帝之喪

金主亮嘗密隱畫工于奉使中俾寫臨安湖山以歸

為屏而圖已之像策馬于吳山

在杭州府城內西南隅舊名胥山上有伍

子胥祠

絕頂題詩其上有立馬吳山第一峯之句至是

遣其簽書樞密院事高景山右司員外郎王全來賀

天申節亮謂全曰汝見宋主即面數其焚南京宮室

王全雖受海陵之命激怒宋人以爲南侵計然此在金人猶可而全則本來人也直呼其故君之名悖逆已甚而高宗竟聽其肆謾隱忍不言庸懦委靡直是全無人心尚可

以覲顏人上乎必不敢害之言早爲海陵所料

沿邊買馬招致叛亡之罪當命大臣來此朕將親詰之且索漢淮之地如不從則厲聲詆責之彼必不敢害汝蓋欲激怒以爲南侵之名也又謂景山曰回日以全所言奏聞全至臨安一如金主之言以詆帝帝謂全曰聞公北方名家何乃如是全復曰趙桓令已死矣帝始聞淵聖崩遽起發哀而罷詔持斬衰三年

上淵聖廟號曰欽宗

時朝論俟使去發喪左史黃中馳白宰相此國家大事臣子至

痛一有失禮謂天下後世何左僕射陳康伯獨主中持論竟得如禮

惟懷苟安而罔
知自厲無怪其
終不能出人掌
握耳

詔議舉兵

帝命宰執召同安郡王楊存中三衛帥趙密

字微叔
太原清

河人至都堂議舉兵又召侍從臺諫集議陳康伯傳上

旨曰今日更不論和與守直問戰當如何時帝意雅

欲視師內侍省都知張去為陰沮用兵且陳退避策

中外妄傳幸閬蜀人情洶洶朱倬無一語康伯奏曰

金敵敗盟天人共憤今日之事有進無退聖意堅決

則將士之意自倍願分三衛禁旅助襄漢待其先發

應之時已先命吳拱守襄陽又命主管馬軍司成閔

部兵三萬戍鄂州

殿中侍御史陳俊卿以去為竊權撓政乞斬之以作士氣

以吳璘為四川宣撫使

詔以金使語諭諸路統制郡守監司隨宜應變以吳

璘宣撫四川仍令王剛中同處置軍事

六月以劉錡為江淮浙西置制使屯揚州

時宿將無在者乃以錡為江淮浙西置制使節制逐

路軍馬

故遼人伊喇幹翰

舊作移刺窩幹
今改後仿此

叛金圍臨潢

初金主亮徵兵南侵使牌印

金官名掌御寶及金銀
等牌後改名御寶郎

素赫

舊作燥合
改後仿此

如西北路盡僉契丹壯丁契丹人

不願行求之素赫素赫不從于是西北路招討司譯

史薩巴與部衆殺招討使完顏烏澤

舊作沃側
改後仿此

及

素赫等取招討使司貯甲三千遂反議立故遼主延

禧子孫推都監楞華善

舊作老和
尚今改

為招討使山後山

前諸羣牧應之咸平府

金置故城在今
奉天府鐵嶺縣

穆昆爪里

舊作

謀克括里今改舉兵據咸平繕完器甲出府庫財物募兵以

應薩巴其勢益張金主亮使布薩呼圖等討之皆無

功而薩巴自度大軍必繼至勢不可支謀歸西遼乃

率衆沿龍駒河

金史地理志臨潢府長泰縣北有龍駒河長泰縣在故臨潢城東北有薛

映記所謂長泰館是也

西出舊居山前者皆不欲往偽署六院

節度使伊喇幹罕殺薩巴執楞華善等自為都元帥

擁衆東還至臨潢府東南新羅寨東京留守曹國公

烏祿使伊喇扎巴

舊作移刺扎八今改後仿此

招之幹罕已約降

而扎巴見幹罕兵衆彊盛車帳滿野意其可以有成
反說之曰我之始來以汝輩不能有為今觀兵勢彊
盛如此汝等欲如羣羊為人所驅去乎將欲待天時
乎若果有大志吾亦不復還矣于是幹罕決意不降
遂攻臨潢圍之衆至五萬

秋七月金主亮遷都于汴

金大括馬于諸路

先是調馬于諸路以戶口為差計五六十萬匹仍令其

戶自養以俟至是又大括羸馬

官至七品聽留一匹等而上之並舊籍民

馬其在東者給西軍在西者給東軍交相往來晝夜絡繹不絕死者狼籍干道其已失多者官吏懼罪或自殺所過蹂踐民田調發牽馬夫役詔河南州縣所貯糧米以脩大軍不得他用羸馬所至當給芻粟而無可給有司以為請金主亮曰北方比歲民間儲畜尚多令禾稼滿野羸馬可就牧田中借令再歲不獲亦何傷乎于是國內騷然盜賊蠭起大者連城邑小者保

山澤有以盜賊事聞者亮輒杖而黜其官太醫使祈

宰

字彥輔江淮人

上疏諫南侵亮殺之由是羣臣不敢言

金主亮大殺宋遼宗室之在其國者

凡百三十餘人

遣樞密都承旨徐嘉如金至盱眙金人却之乃還

先是遣周麟之

字茂振海陵人

賀金遷都麟之憚金辭行坐

免遂以嘉代之嘉至盱眙金主亮使韓汝嘉就境上

止之曰朕始至此比聞北方小警欲復歸中都無庸

來賀也嘉乃還

八月宿遷人魏勝

字彥威淮陽軍宿遷人

起兵復海州詔以勝知

州事

勝多智勇應募為弓箭手居山陽及金人籍諸路民
為兵勝躍曰此其時也聚義士三百北渡淮取連水
軍宣布朝廷德意不殺一人金知海州事高文富遣
兵捕勝勝迎擊走之追至城下文富閉門固守勝令
城外張旗幟舉烟火為疑兵又使人向諸城門諭以
金人棄信背盟無名興兵及本朝寬大之意城中人
聞即開門獨文富與其子安仁率牙兵拒之勝殺安
仁及州兵千餘擒文富民皆安堵如故勝遣人諭胸

山

後周縣明懷仁

東魏縣故城在

沐陽

東魏縣今

東

海

注見前

諸縣皆定之乃蠲租稅釋罪囚發倉庫犒戰

士分忠義士為五軍紀律明肅部分如宿將勝益募

忠義以圖收復遠近聞之響應旬日得兵數千勝將

董成率所部千餘人直入汴州殺金守將及軍士三

千餘衆悉降得器甲數萬金遣蒙古

舊作蒙括令改

鎮國以

兵萬餘取海州抵州北二十里新橋勝迎之設伏于

隘陣以待衆殊死戰伏發敵大敗殺鎮國馘千人降

三百人軍聲益振山東之民咸欲來附勝傳檄招諭

結集以待王師之至

沂民壁蒼山者數十萬人圍之久而不下砦首膝最告急于勝

勝提兵往救之陳于山下金人多伏兵勝兵遇伏皆赴砦金人襲之勝單騎而殿以大刀奮擊金人望見勝知其為將也以五百騎圍之數重勝馳突四擊金陣開復闖戰移時身被數十槍冒刃出圍金兵追之馬中矢踣步而入砦無敢當者金人又急攻絕其水砦中食乾糲殺牛馬飲血金人攻益急周山為營勝度其必復攻海州因間出砦趨城中金人果解蒼山圍自新橋抵城下勝出戰皆捷金分兵四面攻之勝募士登城以禦矢石如雨者七日金兵多死傷遁去

蒼山在山東沂州府蘭山縣東

以成閔為京湖制置使

金完顏亮弑其太后圖克坦氏九月遂大舉入寇

亮本金朝

亂賊且是年金世宗即位故變例書入寇

圖克坦氏聞亮欲南侵數以言諫亮不悅每謁見還

宮必忿怒人不知其故及至汴后居寧德宮使侍婢

高福娘問亮起居亮幸之因使伺候動靜凡后所為

事無大小福娘夫特默格

舊作特末哥今改後仿此

教福娘增飾

其言以聞及契丹反樞密使布薩呼圖討往辭謁后

后謂曰國家世居上京既徙中都今又至汴復將興

兵涉江淮伐宋疲弊中國我嘗諫止之不見聽也契

丹事復如此奈何福娘以告亮亮意謂后嘗養鄭王

充

本名錫圖美宗幹之子太祖之孫懷錫圖美舊作神土憑今改後仿此

為已于充四

子皆成立恐呼圖將兵在外或有異圖乃召點檢大

懷忠等使弑后且指名后左右數人皆令殺之后方

擄蒲懷忠等至今后跪受詔后愕然方下跪尚衣局

使華特默

舊作虎時末今後改仿此

從後擊之仆而復起者再高

福娘等縊殺之並殺其左右數人亮命焚后于宮中

棄骨于水並殺鄭王充之于塔納

舊作檀奴今改後仿此

阿里

布

舊作阿里白今改後仿此

等二人遂召呼圖等還皆殺之封高

福娘為鄔國夫人以特默格為澤州刺史又以尚書

令張浩左丞相蕭玉諫伐宋杖而釋之自是莫有敢

諫者遂分諸道兵為三十二軍置左右大都督及三

道都統制府以總之以瓊都

錫幹之子後改名昂舊作奔睹錫幹舊作斜幹

今改為左大都督李通副之赫舍哩良弼

輝發川人輝發川舊作回

怕川今改為右大都督烏雅富勒琿副之蘇保衡

字宋尹雲州天

成
人為浙東道水軍都統制完顏正嘉努舊作鄭家今改副之

由海道徑趨臨安劉萼大興宛人為漢南道行營兵馬

都統制進自蔡州以瞰荆襄圖克坦喀齊喀上京素蘇海水

人喀齊喀舊作合喜素蘇海舊作速蘇海今改為西蜀道行營兵馬都統制

由鳳翔取大散關駐軍以俟後命左監軍圖克坦貞

別將兵二萬入淮陰九月亮召諸將授方畧賜宴于

尚書省令皇后圖克坦氏與太子光英居守張浩蕭

玉敬嗣暉留治省事亮戎服乘馬具裝起行妃嬪皆

從衆六十萬號百萬糧帳相望鉦鼓之聲不絕李通
造浮梁于淮水之上將自清河口入淮東遠近皆震

金人攻黃牛堡

在漢中府鳳翔縣東北

吳璘等敗之遂復秦隴洮

三州

金圖克坦喀齊喀將五千騎扼大散關遊騎攻黃牛
堡守將李彥堅告急人情洶洶制置使王剛中跨一
馬馳二百里至吳璘營起璘于帳中曰大將與國義
同休戚臨敵安得高枕而卧璘大驚即馳至殺金平

注見前

駐軍青野原

在漢中府署陽縣北

益調內郡兵分道而進

以援黃牛剛中又以蠟書抵張正彥濟師西師大集

李彥堅以神臂弓射金師卻之璘遣別將彭青至寶

雞渭河夜刳橋頭寨

在鳳翔府寶雞縣南渭河自隴州流入有橋跨其上故名

破

之又遣劉海復秦州彭青復隴州曹休復洮州

金師既退

剛中倍道馳還謂其屬李燾曰將帥之功吾何有焉燾嘆曰身督戰而功成不居過人遠矣李燾字仁

甫眉州丹稜人

劉錡遣兵復泗州

高平人王友直

字聖益博州高平人考宋史地理志博州有高唐博平無高平高平乃澤州縣

也列傳疑有悞

起兵復大名遣使入朝

友直父佐以材武稱友直幼從父諳兵法志復中原
聞金亮渝盟乃結豪傑謂之曰權所以濟事權歸于
正何害于理即矯制自稱河北等路安撫制置使以
其使王任為副使徧諭州縣勤王未幾得衆數萬制
為十三軍置統制等官以統之進攻大名一鼓而克
撫定衆庶諭以紹興年號遣人入朝奏事已而自壽

春來歸詔以為忠義都統制

冬十月金人圍海州魏勝李寶合擊大敗之

亮渡淮慮勝晚其後分軍數萬圍海州會李寶帥舟

師由海道將拒敵于膠西

隋縣元于此置膠州明省縣入州今州屬山東萊州

府勝遣人邀之寶遡風至東海慷慨厲士赴援與勝

同擊金兵于新橋

在海州北

敗之勝還守北關

方輿紀要在海北北

宋時築此據險戍守

金兵逼關勝登關門張樂飲酒犒軍士令

固守勿出戰踰時乃少遣士出憑險隘擊之金人知

不可攻率軍轉而渡河襲關後欲過砂堰

在海州東北

城為營勝先已據堰尋以單騎逐敵騎于東門外大聲叱之皆駭散翌早乘昏霧四面薄城急攻勝竭力捍禦金兵不能前乃拔砦走

金人渡淮劉錡進軍楚州以拒之

劉錡兵至揚州建大將旗鼓軍容甚肅以兵駐清河
口扼金師金人以鹽裹船載糧而來錡使善沒者鑿
沈其舟金人自渦口渡淮錡次于淮陰列兵運河岸

以扼之

金人立曹國公烏祿為帝于遼陽更名雍

是為金世宗

亮自發汴京將士在道多亡歸者哈斯罕

舊作曷蘇館今改

方輿紀要遼置以處熟女真今改路置節度使後廢故城在益州東南考益州今奉天府蓋平縣是

安兒顏福壽高忠建盧萬家博索

舊作婆娑今改路為婆娑今改

金置博索府故城在

總管默音

羅索子舊作謀衍今改

東京穆

昆金珠

舊作金住今改

等始受甲于大名即舉部亡歸從者

二萬餘皆公言于路曰我輩今往東京立新天子矣

時東京留守烏祿性仁孝沈靜明達衆心歸之亮常

使摩羅歡

舊作謀良虎按此與金初別名宗雄之摩羅歡另是一人

圖淮北諸王

烏祿聞而憂懼會故吏祿錦

舊作六斤今改後仿此

自汴還具

言金主殺母等事且曰將遣使害宗室兄弟矣烏祿

益懼謀于其舅興元少尹李石

字子堅遼陽人

石勸烏祿先

殺副留守高存福烏祿遂執存福將殺之適福壽等

以軍入東京乃共殺存福等烏祿遂御宣政殿即

位赦改元大定下詔暴揚亮罪惡數十事追尊鄂爾

多為帝廟曰睿宗

劉錡將王權軍潰于昭關錡引還揚州金完顏亮入廬

州

錡遣都統王權措置淮西權不從錡節制聞金兵大
至即棄廬州退屯昭關不戰而潰錡聞之遂自淮陰

退還揚州亮入廬州權自昭關退保和州

已而金人陷真州統

制邵宏淵逆戰敗走王權尋
退屯采石金亮遂入和州

吳拱成閔遣兵復唐鄧諸州

高宗平日畏金
幾如嬰兒之善

怖何以一旦能

決策親征爾時

勁旅南來危在

旦夕航海計既

不行勢已有進

無退而前此平

江之役諸將頗

以捷聞因復冀

僥倖于萬一非

真迫于建王康

伯之言也然虛

憍之氣不久即

消金師返旆而

三招討旋罷曾

帝親征詔葉義問督視江淮軍馬虞允文

字彬甫降州仁壽人參

謀軍事

帝聞王權敗詔楊存中至內殿議禦敵之策因命存
中就陳康伯議欲航海避敵康伯延之入解衣置酒
帝聞之已自寬明日康伯入奏曰聞有勸陛下幸越
趨閩者審爾大事去矣盡靜以待之一日帝忽降手
詔曰如敵未退散百官康伯焚詔而後奏曰百官散
主勢孤矣帝意既堅康伯乃請下詔親征帝從之以

謂高宗有發憤
自強之一日哉

葉義問督視江淮軍馬中書舍人虞允文參贊軍事
尋以楊存中為御營宿衛使

詔吳璘出兵漢中璘遂復商虢州

李寶大破金人于陳家島

在膠州海中

殺其將完顏正嘉弩

寶既解海州之圍遂與其子公佐引舟師至膠西石

臼島

在膠州南海中海防考濱海要衝有膠州石臼等所及海中之陳家島諸處

敵舟已

出海口泊陳家島相距僅一山時北風盛寶禱于石

臼神風自拖樓中來如鐘鐸聲衆咸奮引舟握刀待

戰金操舟者皆中原遺民遙見寶船紹敵兵入舟中
使不知王師猝至風駛舟疾過山薄敵鼓聲震蕩海
波騰躍敵大驚掣釘舉帆帆皆油纈彌亘數里風浪
捲聚一隅窘束無復行次寶命火箭射之烟焰隨發
延燒數百艘火所不及者猶欲前拒寶叱壯士躍登
其舟以短兵擊殺之降者三千餘人斬其將完顏正
嘉弩等六人擒倪詢等上于朝獲其統軍符印與文
書器甲糧斛以萬計餘物衆不能舉者悉焚之火四

晝夜不減

金人破揚州劉錡遣兵拒于皂角林

在揚州府江都縣南

大敗之

錡以舟渡真揚之民于江南留屯瓜洲金人來爭錡
命步將吳超員琦王佐等拒之于皂角林錡陷重圍
下馬死戰佐以步卒設伏林中金人既入張弩俄發
金人以運河岸狹非騎兵之利稍稍引去追擊大破
之斬其統軍高景山

十一月召張浚判建康府

殿中侍御史陳俊卿上疏極言浚忠蓋帝悟乃詔復
官判建康府至岳陽買舟冒風雪而行時金兵充斥
浚遇東來者云敵兵方盛焚采石烟焰張天慎毋輕
進浚曰吾赴君父之急知直前求乘輿所在而已遂
乘小舟徑行時長江無一舟敢行北岸者

編管王權于瓊州以李顯忠代將其軍

金人侵瓜洲葉義問使中軍統制劉汜

汜錡之姪

禦之敗績

義問走建康

時劉錡病甚求解兵柄留其姪中軍統制汜以千五百人塞瓜洲李橫以八千固守詔錡還鎮江專防江于是盡失兩淮之地金人攻瓜洲汜以克敵弓射卻之葉義問至鎮江見錡病劇以李橫權錡軍遂督兵渡江衆以為不可義問彊之汜請出戰錡不從汜拜家廟而行金人以重兵逼瓜洲汜先退李橫以孤軍不能當亦卻失其都統制印橫左軍統制魏俊右軍統制王方死之橫汜僅以身免錡聞汜敗因憤悶疾

益甚義問聞之乃遵陸趨建康市人皆媒罵之

虞允文大敗金軍于采石完顏亮趨揚州

亮築臺江上自披金甲登臺殺黑馬以祭天以一羊

一豕投于江中

召賓都等謂之曰舟楫已具可以濟江矣富勒彈曰臣觀宋舟甚大我舟

小而行遲恐不可濟亮怒曰爾等從梁王追趙構入海島豈皆大舟邪誓明日渡江晨

炊玉鱗堂

即觚鱗堂在和州梅江之濱

先濟者與黃金一兩亮置

黃旗紅旗于岸上以號令進止時葉義問命虞允文

往蕪湖迎李顯忠交王權軍且犒師允文至采石權

已去顯忠未來敵騎充斥軍士三五星散解鞍束甲
坐道傍皆權敗兵也允文謂坐待顯忠則誤國事遂
立召諸將勉以忠義曰金帛誥命皆在此以待有功
衆曰今既有主請死戰或謂允文曰公受命犒師不
受命督戰他人壞之公受其咎邪允文叱之曰危及
社稷吾將安避乃命諸將列大陣不動分戈船為五
其二並東西岸其一駐中流藏精兵待戰其二藏小
港備不測部分已畢敵已大呼亮操小紅旗麾數百

艘絕江而來瞬息之間抵南岸者七十艘直薄官軍
軍小卻允文入陣中撫統制時俊之背曰汝膽畧聞
四方立陣後則兒女于爾俊即揮雙刀出士殊死戰
中流允文軍以海鰭船衝敵舟皆平沈敵半死半戰
日暮未退會有潰卒自光州至允文授以旗鼓從山
後轉出敵疑援兵至始遁允文又命勁弩尾擊追射
大敗之金兵還和州凡不死于江者亮悉敲殺之會
報曹國公已即位于東京改元大定亮撫脾歎曰朕

本欲平江南改元大定此非天乎因出其素所書取
一戎衣天下大定改元事以示羣臣遂召諸將帥謀
北還且分兵渡江李通曰陛下親征深入異境無功
而還若衆散于前敵乘于後非萬全計若留兵渡江
車駕北還諸將亦將解體今燕北諸軍近遼陽者恐
有異志宜先發兵渡江斂舟焚之絕其歸望然後陛
下北還南北皆指日而定矣亮然之允文知亮敗明
當復來夜半部分諸將分海舟縋上流別遣盛新以

舟師截金人于揚林河口

在和州東今曰揚林渡

明旦敵果至

因夾擊之復大敗焚其舟三百敵遣偽詔來諭王權

似有宿約者允文曰此反間也乃復書言權因退師

已寘憲典新將李顯忠也願快戰以決雌雄亮得書

大怒遂焚其龍鳳舟斬梁漢臣

首勸亮渡江者

及造舟者二

人率軍趨揚州使符寶郎耶律摩多

舊作沒答今改後仿此護

神果軍扼淮渡凡自軍中還至淮上無都督府文字

皆殺之

劉錡罷以成閔李顯忠吳拱為兩淮京湖三路招討使
顯忠至采石虞允文語之曰敵入揚州必與瓜洲兵
合京口無備我當往公能分兵相助乎顯忠分萬六
千與之允文遂還京口時敵屯重兵滁河

今曰後河
源出黃山

逕和州西北與滁州分
界東南至六合縣入江

造三牐儲水深數尺塞瓜洲

口楊存中成閔邵宏淵諸軍皆集京口凡二十餘萬
允文以戰艦數少不足用聚材改治之命張深守滁
河口扼大江之衝以苗定駐下蜀

鎮名在江寧
府句容縣北

為援

金史卷八十七
且謁劉錡問疾錡執允文手曰疾何必問朝廷養兵三十年一技不施而大功乃出一儒生我輩愧死矣以疾篤召還提舉萬壽觀詔以閔等為招討使閔淮東顯忠淮西拱湖北京西

金完顏亮為其下所殺

亮至瓜洲居于龜山寺虞允文與楊存中臨江接談命戰士踏車船中流上下三周金山回轉如飛敵持滿以待相顧駭愕亮笑曰紙船耳有一將跪奏南軍

有備不可輕顧駐揚州徐圖進取亮怒杖之五十名

諸將約以三日濟江否則盡殺之驍騎噉山

舊作高僧今改

欲誘其黨以亡事覺亮命衆刃刈之乃下令曰軍士

亡者殺其富埒瑋

瑋昆之副舊作蒲里衍今改後仿此

富勒瑋亡者殺

其穆昆穆昆亡者殺其明安明安亡者殺其總管由

是軍士益危懼亮又令軍中運鴉鵲船于瓜洲期以

明日渡江敢後者死衆欲亡歸乃決計于浙西都統

制耶律元宜

本名聞烈一名伊特璉父慎思賜姓完顏按阿烈舊作阿列伊特璉舊作移特

華今改
後仿此

及明安唐古烏頁

舊作唐括為野
今改後仿此

且曰前阻

淮渡皆成擒矣比聞遼陽新天子即位不若共行大

事然後舉軍北還元宜然之乃期詰旦衛軍番代即

行事黎明元宜等帥諸將以衆薄亮營亮聞亂意宋

兵奄至攬衣遽起箭入帳中亮取視之愕然曰我兵

也近侍大慶善

舊作大慶
山今改

曰事急矣當出避之亮曰

走將安往方取弓已中箭仆地延安少尹納合塔鄂

勒博

舊作納合幹
魯補今改

先刃之手足猶動遂縊殺之軍士

攘取行營服用皆盡乃取驍騎指揮使達磐

舊作大磐令改

衣巾裹其尸焚之收其妃嬪及李通郭安國圖克坦
永年梁琬大慶善等殺之元宜自為左領軍副大都
督使人殺太子光英于汴退軍三十里遣人持檄詣

鎮江議和未幾金軍在荆襄兩淮者皆拔寨北還

史臣曰完顏亮智足以拒諫言足以飾非欲為君則
試其君欲圖隣則試其母欲奪人之妻則使之殺其
夫三綱絕矣何暇他論至于屠滅宗族剪刈忠良婦
姑姊妹盡入嬪御卒之戾氣感召身由惡終使天下
後世稱無道主以亮為
首可不戒哉可不戒哉

十二月成閔李顯忠收復兩淮州郡

帝如建康

張浚至建康即具行宮儀物請車駕臨幸帝從之帝
至建康張浚迎拜道左衛士見浚無不以手加額浚
起復用風采隱然軍民皆倚為重

金主入燕

壬午三十二年

金大定二年

春正月戊辰朔日食

山東人耿京起兵復東平遣其將辛棄疾

字幼安齊州人

來朝

完顏亮死中原豪傑並起山東人耿京據東平自稱
天平節度使以齊州人辛棄疾掌書記棄疾勸京來
歸京遣棄疾奉表詣行在帝大喜厚賚之以京知東
平府

金遣使來聘

金主下令散南征之衆以高忠建為報諭宋國使且
告即位

二月以虞允文為川陝宣諭使

允文還朝帝慰藉嘉嘆謂陳俊卿曰允文朕之裴度
及是陞辭言金亮既誅新主初立彼國方亂天相我
恢復也和則海內氣沮戰則海內氣伸帝以為然允
文至蜀遂與吳璘經畧中原

帝還臨安

時將祔欽宗于太廟帝還臨安謂張浚曰卿在此朕
無北顧憂矣御史吳芾

字明可台州仙居人

言建康可以控帶

襄漢經畧淮甸大駕宜留以繫中原之望若還臨安

則西北之勢不能相接不從

金以張浩為尚書令

金主嘗謂宰相曰進賢退不肖宰相之職也有才能

高于已者或懼其分權往往不肯引置同列朕甚不

取卿等母以此為心

時以近侍進言欲罷科舉者金主問浩曰自古帝王有不用文

學者乎浩曰有之曰誰歟浩曰秦始皇金主顧近侍曰豈可使我為秦始皇事遂寢

閏月祔欽宗于太廟

吳璘復大散關分兵和尚原金人走寶雞

璘遣兵復河源州及積石鎮戎軍遂復大散關

太尉威武節度使劉錡卒

諡武穆

錡以劉汜敗發怒嘔血數升至是卒贈開府儀同三

司

錡慷慨深毅有儒將風亮之南下也今有敢言錡姓名者斬枚舉南朝諸將問其下孰敢當者皆隨

名姓以對其答如響至錡莫有應者亮曰吾自當之惜錡以疾不能成功齎恨而沒

耿京將張安國殺京以降金辛棄疾還執安國送臨安
斬之

張安國殺京降金辛棄疾還至海州與衆謀曰我緣

主帥來歸朝不期事變何以復命乃約李寶統制王世隆等徑趨金營即帳中縛安國獻于臨安斬之詔授棄疾江陰僉判棄疾獻議恢復持論勁直不為迎合衆壯之

吳璘復順德軍

宋置治隴干故城在今平涼府靜寧縣

及環州

注見前

璘遣姚仲取鞏王彥屯商虢陝華惠逢取熙河或久攻不下或既得復失竟無成功仲舍鞏攻德順踰四旬不克璘以李師顏代之遣子挺節制軍司挺與金

人戰于瓦亭大敗之擒其千戶耶律糾堅

舊作九斤
今改後仿

此

等百三十七人金人懲其敗悉兵趨順德璘自將

往督師先壁于險且治夾河戰地璘至城下守陴者

聞呼相公來觀望咨嗟矢不忍發璘按行諸屯斬不

用命者先以數百騎進金銳卒空壁躍出突璘軍璘

軍得先治地無不一當百至暮璘忽傳呼某將戰不

力人益奮搏金大敗遁入壁黎明師再出金人堅壁

不動會大風雪遂拔營去凡八日而克璘入城市不

海陵之兵非緣
南朝驕慢所至
高宗于是方明
言卑辭屈已之
無益而以正名
實境為辭豈關
于前而明于後
哉恭固傳位之

改肆父老擁馬迎之璘又遣嚴忠取環州遂還河池

時姚仲等又復蘭會熙鞏等州及永安軍

宋陝西諸路無永安

軍當作永興

遣起居舍人洪邁

字景盧

使金

金高忠建至臨安議遣使報聘且賀即位工部侍郎

張闡

字大猷

請嚴遣使之命正敵國之禮彼或不從

則有戰耳如是則中國之威可以復振帝然之遂遣

洪邁充賀登極使帝謂執政曰向日講和本為梓宮

意已決舉銀鉅以貽之孝宗故毅然言之而無所顧忌耳其曰向日講和之有所為而為特藉以解其前此惟快之心所謂欲蓋彌彰耳

金定四庫全書 卷八十七
太后雖屈已卑辭有所不憚今兩國之盟已絕宜正名畫境朝儀歲幣當先定之邁乃奏接伴禮儀十有四事既而忠建責臣禮及取新復州郡陳康伯以義折之乃止邁行書用敵國禮帝手札賜邁曰祖宗陵寢隔濶三十年不得以時灑掃祭祀心實痛之若彼能以河南地見歸必欲居尊如故正復屈已亦何所惜邁奏言山東之兵未解則兩國之好不成至燕金閤門見國書不如式抑令于表中改部臣二字朝見

之儀必欲用舊禮邁執不可金鎖使館三日水漿不通及見金人語不遜欲留邁張浩不可乃遣還

夏四月金人又攻海州鎮江都統張子蓋

字德高俊從子

及魏

勝大敗之

金人復遣烏錦

舊作五斤今改後仿此

太師發諸路兵三十餘

萬攻海州先遣一軍自州西南斷勝軍饒道勝擇勇

悍士三千餘騎拒于石門堰

亦曰石閭堰在海州西南即石秋河上游也

金軍不能進逮夜始還留千人脩險隘金兵十萬來

奪勝率衆鏖戰殺數千人餘皆遁去勝還入城無何
金兵還城圍數重勝以郭蔚分兵備禦或獨出擾之
使不得休息又間夜發兵刳其營或焚其攻具既而
金人併力急攻勝告急于李寶寶以聞命張子蓋往
援進次石湫堰在石門堰南今為鎮金人陳萬騎于河東子蓋
率精銳數千騎擊之統制張汜畧陣中流矢死子蓋
曰事急矣奮臂大呼馳入陣勝等繼之殊死戰金人
大敗擁溺石湫河死者半圍遂解

五月金追廢完顏亮為海陵場王

蕭玉敬嗣暉許霖等輔亮為虐皆放歸田里特默格

及其妻高氏伏誅

明年追討亮弑熙宗罪廢為庶人

立建王瑋為皇太子更名春

音慎

初完顏亮南侵兩淮失守朝臣多勸帝退避建王瑋

不勝其憤及帝下詔親征瑋請帥師為前驅直講史

浩

字直翁明州鄞縣人

聞之入言于瑋曰皇子不宜將兵因為

草奏請扈蹕以供子職帝亦欲瑋偏識諸將遂命從

高宗于禦金之役親履戎行心膽墮地還都以後痛定思痛復恐外患之乘亟循內禪之典名為倦勤實則避禍蒞庸儒之人

無事不思退步
遜位之舉猶是
主和故智耳

幸金陵及還臨安帝欲遜位陳康伯密贊大議乞先
正名俾天下咸知聖意遂草立太子詔以進帝從之
瑋既立更名昶

六月罷三招討使

以李顯忠主管侍衛軍馬司成閔主管殿前衛司吳

拱主管侍衛步軍司

顯忠陰結金都統蕭琦為內應
請出師欲自宿毫趨汴由汴京

以通關陝關陝既通則廊延一路熟知顯忠威名皆
得響應且欲起其舊部數萬以取河東會詔罷兵乃
止

追封子偁為秀王

詔集議子偁封爵戶部侍郎汪應辰

字聖錫信州玉山人

定其

稱曰太子本生之親議入內降曰皇太子所生父可封秀王諡安僖母張氏為王夫人

帝傳位于太子自稱太上皇帝皇后稱太上皇后太子

即位大赦

是為孝宗

帝降手札曰皇太子可即皇帝位朕稱太上皇帝后稱太上皇后退居德壽宮帝服袍履步出祥曦門冒

雨掖輦以行及宮門弗止上皇麾謝再三且令左右扶掖以還顧謂羣臣曰付託得人吾無憾矣

帝朝太上皇于德壽宮

帝五日一朝太上皇不許自是月四朝

以龍大洲為樞密副都承旨魯覲

字純甫其先汴人

幹辦皇城司

二人帝潛邸內知客也尋以大洲知閤門事覲同

知閤門事

詔中外臣庶陳時政闕失

監南嶽廟朱熹封事首言帝王之學必先格物致知以極夫事物之變使義理所存纖悉必照則自然意誠心正而可以應天下之務次言修攘之計不時定者講和之說疑之也金於我有不共戴天之仇則不可和也明矣願斷以義理之公參以義利之實閉關絕納任賢使能更相激厲以圖事功數年之間國富兵彊視吾力之彊弱觀彼釁之淺深徐起而圖之中原故地不為吾有而將焉往次言四海利病係斯民

之休戚斯民之休戚係守令之賢否監司者守令之網朝廷者監司之本欲斯民之得所本原之地亦在朝廷而已

秋七月召張浚入朝以為江淮宣撫使封魏國公

帝手書召浚入見浚至帝改容曰久聞公名今朝廷所恃惟公因賜之坐浚從容言人主之學以心為本一心合天何事不濟所謂天者天下之公理而已必兢業自持使清明在躬則賞罰舉錯無有不當人心

孝宗初政卽復用張浚可謂銳于任賢設能專心委任或贊成恢復亦未可定顧以浩為藩邸舊臣使預機密守淮之議與浚意見牴牾遂爾多方掣肘變生棄地喪師其誤國不亞于檜人主用人可不慎哉

自歸敵仇自服帝悚然曰當不忘公言加浚少傅魏國公宣撫江淮浚見帝英武力陳和議之非勸帝堅意以圖恢復欲遣舟師自海道擣山東命諸將出師犄角以向中原翰林學士史浩以潛邸舊臣特預樞密議欲城采石瓜洲浚言不守兩淮而守江是示敵以削弱急戰守之氣不若先城泗州浩不悅遂與有隙凡浚所規畫浩必沮之竟無成功

追復岳飛官以禮改葬

官其孫六人

初飛死獄卒隗順負其屍葬之九曲叢祠至是懸賞購其瘞順子告于官而改

葬之墓在今錢塘縣棲霞嶺之左

八月以史浩參知政事九月罷川陝宣諭使虞允文

浩上言官軍西討東不可過寶雞北不可過德順若
兵宿於外去川口遠則敵人必襲之朝廷遂欲棄三
路允文上言恢復莫先于陝西三路新復州郡又係
于德順之存亡一旦棄之則窺蜀之路愈多西和成
階利害至重不可不慮于是允文罷知夔州以王之

望代之

故遼人伊喇幹罕

舊作伊拉武雅令改

稱帝金將布薩忠義

本名烏哲上京博洛

科河人舊作璞薩忠烏哲舊作烏者博洛科舊作拔盧古河令改

討平之

伊喇幹罕稱帝改元天正兵勢大張往討者多為所

敗金主遣右副元帥默音討之遇于長樂

方輿紀要即遼饒州

長樂縣在臨潢西南

幹罕大敗率衆西走默音復追敗于霧霖

河在臨潢西南

幹罕去攻懿州

注見前

金師久無功布薩忠

義自請行乃以為右副元帥代默音忠義及赫舍哩

志寧

本名薩哈連上京和坦人薩哈連等追之至

泉嶺

亦作泉嶺在貼潢西南

西隘泉

金史地理志貼潢府有隘泉國言曰埒綱吉按埒綱

吉舊作舊字魯今改後仿此

大敗之斡罕以數騎僅免比收合散卒

萬餘入奚部其黨多降斡罕自知勢窮北走沙沱其徒執之獻于右都監完顏思敬送中都斬之其黨悉平惟扎巴不服頗為邊患金人苦之

冬十一月金以布薩忠義為都元帥赫舍哩志寧副之金主以宋不稱臣乃詔忠義總戎事居南京節制諸

軍復令志寧駐軍淮陽忠義將行金主諭之曰宋若
歸侵疆貢禮如故則可罷兵忠義至汴簡閱士卒分
屯要害

十二月詔宰相復兼樞密使

詔吳璘班師

金以重兵扼鳳翔爭吳璘新復十三州三軍璘亟馳

德順以脩之已而金富察世傑

本名阿爾山哈斯罕
阿多固河人徙遼陽

舊作滿察世傑阿爾山舊作阿撒阿
多固河舊作幹篤河今改後仿此

率師十萬來攻

璘力戰而拒之時議棄三路遂詔璘班師

明年正月璘得詔察

屬交諫曰將在軍君命有所不受此舉所係甚重奈何退師璘知朝論主和乃曰璘豈不知此顧主上初

政璘握重兵在遠有詔璘何敢為遂退師還河池金

人聚其後璘軍亡失者三萬三千部將數十人連營

屬眾濟振原野于是秦鳳熙河永興三路新復十三

州三軍皆復為金取既而虞允文自川陝還入對言

今日有人可戰且以笏畫地陳棄地利

害帝曰此史浩誤朕也改允文知太平

御批歷代通鑑輯覽卷八十七